

mainatges d'òc

PLUMALHON



Kalitai



Generau-President



Lo marabot

(5,34 €)

ISSN 1264-6733

Nº 62

Abriu de 2002

G

Lo marabot african



Tèxte e
fòtos de
Fred
Lavail

Lo Marabot qu'ei un ausèth de la familha de las cigonhas. Qu'ei gran. Que hè 1,5 m de hautor e 2,8 m d'envergadura.

Qu'a lo còth long dab en penent ua borsa plea d'aire.
Qu'a lo peruc gròs.



En vila o en los vilatges que hurga en las lordèras en cèrcas de tot çò qui pòt estar minjat.

En la natura que's neureish d'ahromigas, de termits, de lusèrps, de sèrps, de sautaprats e de còps que minja murguetas o ausérons d'autas espècias.

N'ei pas un ausèth qui ei en dangèr. Non risca pas de desaparéisher. Lo mei gran nombre de marabots que viven en Oganda. Que n'í a haut o baish 6 000.



Que'n tròban en generau per las savanas d'Àfrica mes pas sovent per la seuva. N'a pas paur aus òmis e per aquera rason que s'està de còps per las vilas e los vilatges.

A Kampala, lo capdulh de l'Oganda que viu ua colonia d'aqueths ausèths e la vila que poderé aver lo títol de capdulh deus marabots.

La reproduccion se hè a la sason de la ploja. Los coples que hèn nids dab arrams e dab busquets. Suu medish arbre que pòden víver mei d'un cople.

La hémia que pon de dus a tres ueus de color blanca. Que calerà que sian coats un mes de

temps abans que bèquin los petits. Puish au cap de tres o quate mes los petits que seràn capables de volar e de deishar lo nid.



Aqueste qu'a decidit de s'arrefresquir en préner ua docha devath aqueth robinet.

